

- 40 Աւրինակ թագաւորաց
 Պիւրոսի, Պարսից Գարեհին,
 ԶԱղէքսանդր զՄակեդոնին
 շար ժանեաւքն էր նման նեոին։
 Սա ետես ըզհին աւուրցն՝
 ըզնստեալն ի քերովբէին,
 Որդին գայր ընդ ամսս երկնից
 անպատում փառաւք հայրենին,
 Բիւրոց զաւրաց հրեշտակաւք
 ի դատել զազգըս հողածնին։
- 45 Արգարքն յառաջ ընթանան,
 մեղաւորքն ի հուրն առաքին։
 Եղիայ մաքուր հոգւով
 մաշկեղէն զգեցաւ ի մարմին.
 Մերկութեան նախնեաց նման
 տաժանեալ կրիցն եւ տուժին.
 Յուսով պաղատէր առ Տէր
 մտանել ի տուն հայրենին.
 Հրեղէն կառաւք վերացաւ
 ի յանմահութիւն վերստին։
- 50 ԶԵսայեան աստուածաբան
 զարդարեալ յեւթնարփի շնորհէն,
 կայծակամբ մաքրեալ եղեւ
 ունելեաւն ի սերովբէէն.
 Հրազէն բաժակաւ զմայլաւ
 յարաշարժ յանմահ աղբերէն.
 Ընդ մարգարէին Գաւթի
 ընտրութեամբ յերկտասանէն։
 Առ քեզ դատաստան եկի
 թագաւոր Գաւթի մարգարէ.
- 55 Զոչխարն իմ զինին աւտարքն
 հիւրին ճաշ կու տան թէ ուտէ.
 Նայ թողցէ զիւրեն հարիւրն
 որոճի միոյ ակնարկէ.
 Ասաց թէ Մովսէս գրեալ
 ի յԱւրէնքն մահապարտ է։